



# COMUNE DE MONTELEONE

## Provìntzia de Tàtari

### Deliberatzione de sa Giunta Comunale

N° 5 de su 13.01.2021

**OGETU: Art. 33 Decretu L.gvu 165/2001. Verìfica ausèntzia de cunditziones de personale in sobràntzias annualidade 2021.**

S'annu duamìgia bintiunu, sa die trèighi de su mese de Ghennàrgiu, in Monteleone, in sa sala de sas Adunàntzias, a sas **16:45**, s'est reunida sa Giunta Comunale.

Fatu s'apellu resurtant:

MASALA ANTONELLO	SÌNDIGU	P
SOTGIA DANIELA	ASSESSORA	A
GONNELLA SILVIA	ASSESSORA	P
MANAI GIOVANNI BATTISTA	ASSESSORE	P

Presentes n. 3    totale ausentes n. 1

Partètzpat a sa setziada su SEGRETÀRIU COMUNALE Silvia Sonnu, cun funtziones consultivas, referentes, de assistèntzia e verbalizatzione.

SU SÌNDIGU ANTONELLO MASALA, in sa calidade sua de presidente, averiguadu su nùmeru legale de sos interbènnidos, de crarat aberta sa setziada e invitat sos cumbènnidos a deliberare subra de s'ogetu subra indicadu.

**Art. 33 Decretu L.gvu 165/2001. Verifica ausèntzia de cundizione de personale in sobràntzias annualidade 2021.**

## **SA GIUNTA COMUNALE**

**IN ABERTURA** de setziada si dat atu chi sa matessi benit acumprida a manera partziale in vèdeucunferèntzia, cun sa presèntzia in sede de su segretàriu comunale, Dot.ra Silvia Sonnu, e de su Sìndigu, e cullegados in modalidade vèdeucunferèntzia in cantu no ant sa possibilidade de interbènnere, sos segnores Gonnella Silvia e Manai Giovanni Battista (Assessoros), comente istabilidu in cunforma a su decretu de su Sìndigu n. 4 de su 05.11.2020.

**Bidu** s'art. 33 de su D.Lgs n. 165/2001, in su testu modificadu dae s'art. 16 de sa lege n. 183/2011, g.n. lege de istabilidade de su 2012 e, dae ùrtimu, dae s'art. 2, comma 12, de su D.L. n. 95/2012, mudadu cun modificatziones dae sa L. 135/2012;

### **Cunsideradu chi:**

- s'art. 5 de su D.lgs. n. 165/2001, in su comma 2 previdit chi "In s'àmbitu de sas leges e de sos atos organizativos segundu s'artìculu 2, comma 1, sas determinatziones pro s'organizazione de sos ufizios e sas mesuras chi pertocant sa gestione de sos raportos de traballu sunt leadas in bia esclusiva dae sos òrganos prepostos a sa gestione cun sa capatzidade e sos poderes de su privadu datore de traballu, francu sa sola informatzione a sos sindacados, pro sas determinatziones relativas a s'organizazione de sos ufizios, ossiat, a manera limitada a sas mesuras chi pertocant sos raportos de traballu, s'esàmene aunidu, si previstos in sos cuntratos segundu s'artìculu 9. Tarrant, in particolare, in s'esertzìtziu de sos poderes dirigentziales sas mesuras chi pertocant sa gestione de sas resursas umanas in su rispetu de su printzìpiu de oportunitades parìviles, e puru sa diretzione, s'organizazione de su traballu in s'àmbitu de sos ufizios;
- s'art. 6 de su D.Lgs. n. 165/2001 in su comma 4-bis istabilit chi su documentu de programmatzione triennale de sa netzessidade de personale e sos aggiornamentos suos sunt elaborados subra de proposta de sos cumponentes dirigentes/responsàbiles chi individuand sos profilos professionali netzessàrios a s'acumprimentu de sos còmputos istituzionales de sas istruturas a sas cales sunt prepostos;

**Verificadu** chi:

- sa lege de istabilidade 2012 (lege n. 183/2011) at intzisu in s'istitutu de sa mobilitade in s'Impiegu Pùblicu e in su collocamentu in disponibilidade de sos dipendenti pùblicos, previdende pro s'Amministrazione Pùblica s'ònere de efetuare cun cadèntzia de a su nesi ogni annu unu reconnoschimentu de su personale pro nde verificare sa sussistèntzia de subbrannùmeros e sobrànztias eventuales;
- sa modifica fata cun sa lege in antis narada n. 183/2011 in s'art. 33 de su D.lgs n. 165/2001, relativu a sas sobrànztias de su personale e a sa mobilitade colletiva, at istabilidu chi sos atzertamentos in antis narados (sobrànztias de personale o cundizione de subbrannùmerariedade) bèngiant giutos in relatzione a duas cunditziones, ossiat, a sas esigèntzias funtzionales o a sa situatzione finantziària, prescriende, in prus, s'òbligu de sa comunicatzione de s'èsitu a su Dipartimentu de sa Funtzione Pùblica;
- s'art. 16 de sa lege n. 183/2001 at torradu a fàghere s'istitutu de sa verifica de sas sobrànztias e de sos subbrannùmeros comente cundizione prodròmica de sa cale non si podet fàghere a mancu pro pòdere programmare assuntziones;

**Apretziadu** chi sa cundizione de subbrannùmeru si rilevat dae una verifica numèricu/formale fata subra de sa dotatzione orgànica de s'ente e fata crara dae sa presèntzia eventuale de personale in servìtziu a tempus indeterminadu, *extra* dotatzione orgànica, mentres sa cundizione de sobrànztias si rilevat, in primis, dae sa cundizione finantziària chi non rispondet a sas normas e a sos vùnculos impostos dae su legislatore in matèria de ispesas de personale cales: su respetu de su patu de istabilidade internu, s'òbligu de riduzione de s'ispesa de su personale respetu a cussa sustènnida in s'annu pretzedente; s'òbligu de cuntènnere in su 50% su limite màssimu de su pesu pertzentuale de s'ispesa de su personale respetu a sa summa de sas ispesas currentes;

**Bidu** s'art. 1, comma 557 de sa Lege 296/06, comente sostituidu dae su comma 7 de s'art. 14 de su D.L. 31 de maju de su 2010 n. 78 in base a su cale sos Entes sugetos a su patu de istabilidade divent adotare ogni misura idònea a garantire su cuntinimentu de s'ispesa de personale, de si intèndere comente riduzione de sa summa de s'ispesa pro su personale de s'annu pretzedente;

**Bidas** sas risultànztias a sos atos de su Setore Personale de su Comune de Monteleone dae su cale si cumprendet chi su personale assegnadu e in relatzione a sas esigèntzias funtzionales de sas àreas, sa no esistèntzia de situatziones de subbrannùmeru e sobrànztias de personale;

**Dadu atu** chi:

- su Comune at respetadu pro s'annu pretzedente su Parègiu de bilàntziu;
- su Comune no est a manera istrutturale deficitàriu ne est in cunditziones de fallimentu;

**Bidu** s'art. 33 de su D.lgs n. 165/2001;

**Bidos** sos parres tècnicu e contàbile favorèvoles in cunforme a s'art. 49 comma 1 de su TUEL;

Totu custu premitidu e cunsideradu, cun votazione de acordu

### **DELÌBERAT**

1. **De leare atu** chi in su Comune de Monteleone, a pustis de su reconnoschimentu fatu dae su Responsàbile de su Servìtziu Personale, non sunt a tempos de oe presentes dipendentes in subbrannùmeru o in sobràntzias, gasi comente pro s'annu 2021;
2. **De leare atu** chi su Comune de Monteleone no at dèvidu aviare in s'interi de s'annu 2020 protzeduras pro sa declaratzione de etzessu de dipendentes e no l'at a dèvere a fàghere in s'interi de s'annu 2021;
3. **De dare cursu** a s'adotzione de su programma triennale de su netzessàriu de personale 2021/2023 e de su pianu annuale de sas assuntziones pro s'annu 2021;
4. **De imbiare** còpia de sa deliberatzione presente a su Dipartimentu pro sa Funtzione Pùblica;
5. **De informare** sas Organizatzione Sindacales Territoriales e sas RSU de s'èsitu de su reconnoschimentu ogetu de s'atu presente.

IN ÒRDINE A SA REGULARIDADE TÈCNICA si esprimìt parre Favorèvole

Su Responsàbile

F.du Antonello Masala

---

SU PRESIDENTE

F.du Antonello Masala

SU SEGRETÀRIU COMUNALE

F.du Silvia Sonnu

Tzertìfìco chi còpia cunforme de su verbale presente benit publicada dae su \_\_\_\_\_ pro 15 dies a fila in su situ istituzionale de custu Comune cun progressivu de publicatzione n. , atzessibile a su pùblicu (Art. 124 de su T.U.E.EL. e art. 32, comma 1, de sa lege 18 de làmpadas de su 2009, n. 69).

SU

F.du

---

Sa deliberatzione presente est divènnida esecutiva:

Pro declaratzione de esecutabilidade immediata (Art. 134, comma 4, de su T.U.E.L.).

Pro decursu de sas deghe dies dae sa publicatzione (Art. 134, comma 3, de su T.U.E.L.).

Monteleone,

Su Responsàbile de sa Publicatzione

F.du

Traduzione de s'operadora de s'isportellu linguisticu de Monteleone

Maria Leonarda Correddu